



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 48. Catholici ex anglia proscripti.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII. dummodo cum ipso petente habitent,  
A. C. 1671. & ipsius sint commensales, non autem  
 famali, nisi actu necessarii. Declara-  
 tum quoque die duodecima Junii, quod  
 in utriusque Juris dispositione præemi-  
 nentiæ concedantur digniori, consue-  
 tudo tamen contra Jus attendatur in  
 materia præcedentiæ, ad illius quoque  
 effectum inter Canonicos attendatur  
 tantum Ordo receptionis, non autem  
 suscepti majoris Ordinis, & præceden-  
 tia debeat ei, qui priori loco fuit de-  
 scriptus in Calendario facto de Ordine  
 & mandato Capituli. Decisum etiam  
 die vigesima nona Augusti a S. Con-  
 gregatione Immunitatis, quod Auditor  
 Cameræ non habeat facultatem aboli-  
 vendi a censuris in causis violatæ Im-  
 munitatis Ecclesiasticæ. Denique in  
 S. Rota die vigesima Novembris decla-  
 ratum, quod Canonici denominentur  
 Hebdomadarii, si tales in erectione sint  
 vocati, & Hebdomadarii etiam vocen-  
 tur Canonici, si ita consuetudo tulerit.

## §. XLVIII.

*Catholici ex Anglia proscripti.*

*Rapin Thoir.* Postquam in Anglia tam Superiori  
*Hist. d' Angl.* quam Inferioris Curie Senatores  
*lib. 23.* crebris dissidiis inter se scissi tandem  
*Theatr. Eu-* pristinam amicitiam redintegraverant  
*rop. tom. 10.* junctis

junctis viribus Non - Conformistas, si- Sæc. XVII.  
 mulque Catholicos opprimere satage- A. C. 1671.  
 bant, huncque in finem die vigesima  
 prima Martii Carolum II. Regem adie- Salmon hist.  
 runt, supplices, ut præcipue Londini d' Angl. t. I.  
 & Westmonasterii illorum cætus sup- p. 344.

primeret, atque edicta in Catholicos  
 sæpius promulgata omni severitate ex-  
 ecutioni dari curaret, Rex igitur die vi-  
 gesima prima Aprilis confirmavit Par-  
 lamenti edictum, vi cujus omnes, qui  
 cætus sub specie Religionis ab Angli-  
 cana diversæ haberet, vel Prædican-  
 tes, qui illis interfunt, aut alii, qui suas  
 ædes locant, gravissima pecuniarum  
 multa coercerentur. His nondum con-  
 tenti erant Senatores, his insuper post-  
 quam juncta Procerum opera die vigesim-  
 quarta Februarii porrecto libello supplici  
 de periculoso Catholicorum numero ve-  
 hementer questi fuerant, simul exposi-  
 tis hujus incrementi causis, nec non  
 remediis huic malo opponendis roga-  
 runt, quatenus Rex calamitates inde  
 orituras prævenire vellet: Porro inter  
 aucti Papismi causas exposuerunt se-  
 quentes.

I. Dantur Londini & Westmonasterii,  
 diversisque in aliis Regni Provinciis  
 longe plures, quam olim, Sacerdotes &  
 Jesuitæ, qui Regis subditos seducere  
 totis viribus adlaborant.

Pp 2

II.

Sæc. XVII. A. C. 1671. II. Præter Oratorum ædes in omnibus præcipuis Regni urbibus, aliisque locis, præcipue Londini & Westmonasterii adversus legum præscripta magno numero erecta fuere Sacella, ac ædes ad quas Regis subditi ad audiendam Missam confluunt.

III. In Palatio S. Jacobi, in Herefordiensi Provincia, aliisque Regni locis præter plures Scholas dantur Sodalitates, & Sacerdotum, necnon Anglorum Jesuitarum Collegia, in quibus juvenus depravatur, & Papismi principia instillantur.

IV. Durante etiam Parlamenti confessu Catechismi, aliique libri Papistici publice venduntur.

V. In Papistis juxta leges convicendis omnes Magistratus, eorumque Ministri admodum secordes sunt.

VI. Recusantes ab omnibus officiis onerosis exempti sunt, potiuntur autem proficuis, quæ vel per se, vel per alios exercent.

VII. Fruuntur Papistæ jure prælectandi ad Beneficia sub nomine aliorum, ac propterea hæc beneficia passim possidentur a Prædicantibus haud idoneis.

VIII. Plures sub melioris educationis obtentu suas proles extra Regnum instituendas mittunt, eisque Præceptores assignant, qui nec fidelitatis, nec

supremi Primatus juramentum præstiterunt, & plerumque hos juvenes ad amplectendum Papismum inducunt. Sæc. XVII.  
A. C. 1671.

IX. Quamvis sæpius in recusantes convictos fuerit inquisitum, raro tamen adversus eos sententia fuit executioni data.

X. Hiberni Papistæ ad tantam devenere petulantiam, ut spretis Protestantibus Episcopis suos palam haberent Archiepiscopos & Episcopos, & Lublini, atque in Hiberniæ locis publice Missas celebrarent: Petrus etiam Talbotus existimatus Dublinensis Archiepiscopus Antverpiæ solemniter pompa palam fuerit inauguratus, ac Londinum profectus, suo ibidem functus sit officio, in itinere Cestriam versus a Papistis summis honoribus exceptus, ac *gratiosi* titulo decoratus. Postea Dublinum delatus, magnoque apparatu exceptus, ibidem suas functiones exercuerit, ac hodie dum exercent, necnon resideat in ædibus Talboti Fratris sui, qui apud Regiam Majestatem in procurandis Papistarum Hibernorum causis Procuratorem agit.

Adversus hæc mala proposuerunt remedia sequentia:

I. Rex publico edicto præcipiat, ut intra breve temporis spatium diserte præfigendum omnes Sacerdotes Catholici

Sæc. XVII. tholici & Jesuitæ (exceptis iis, qui  
A. C. 1671. juxta Regii connubii pacta tolerantur,  
 vel Legatis deserviunt) ex univ<sup>er</sup>sio  
 Regno ejiciantur: omnes vero Ministri  
 & Judices &c. leges contra recusantes  
 convictos executioni dari curarent,  
 utque facilius illos convincere possint,  
 illos ad Curias & Tribunalia citarent,  
 comminata Regiæ indignationis pœna.

II. Rex præpediat, ne Papistæ ad  
 Oratorum ædes, aliaque Sacella in  
 Regno tolerata passim confluerent.

III. Præcipiat, ut nullum officium  
 vel civile, vel militare ulli Papistæ re-  
 cusanti, aut pro ejusmodi habito con-  
 feratur.

IV. Penitus supprimat cunctas So-  
 dalitates, Collegia vel Scholas in Re-  
 gno erectas, necnon Sacerdotes Jesui-  
 tas & Monachos ob eorum petulantiam  
 castiget.

V. Curiaë Ministris præcipiat, ut  
 in recusantes Papistas inquirent, Rex  
 vero negligentes Ministros puniat.

VI. Plunkettum, qui sibi Hiberniæ  
 Primatis honorem arrogat, necnon Pe-  
 rum Talbotum, qui se Dublinensem  
 Archiepiscopum vocat, capi, atque in  
 Angliam deduci jubeat, ut ad accusa-  
 tionum capita contra se proponenda  
 respondeant.

Ad hæc querelas Rex respondit, *Sæc. XVII.*  
 se Senatorum petitis annuere paratum, *A. C. 1671.*  
 æquum vero dignumque esse, ut discrimen fieret inter Papistas recens a  
 secta ad fidem Romanam reuersos, & inter Catholicos in sua religione natos  
 & educatos, eoquod hi plurima Regi Patri suo, sibi que in prioribus bellis  
 obsequia integerrima fide præstitissent: nihilominus Senatorum importunitate  
 deuictus, & cruento Patris sui fato ter-  
 ritus, edictum promulgavit, vi cuius omnes Sacerdotes Catholici, exceptis  
 iis, qui Reginæ vel Oratoribus a sacris seruitiis essent, ante diem vigesimam  
 Maij ex universo Regno excederent; Hujus tamen edicti executio remissius  
 urgebatur.

## §. XLIX.

*Eboracensis Dux, ejusque conjux ad fidem Catholicam reuersi.*

Ad hunc annum nonnulli referunt Ebo-  
 racensis Ducis solemnem ejuratio-  
 nem sectæ suæ, quamvis alii Scriptores  
 eam ad annum hujus sæculi quinquagesimum octavum revocent: Ut autem sit, id certum est, quod hic Dux  
 qui mortuo Carolo II. fratre suo Jacobo II. dictus, Angliæ sceptrum moderabatur, tantisper fidem Catholicam

*Calmet Hist. Univ. l. 156. §. 20. p. 312. Hist. Jac. II. Bretonneau Abregé de la Vie du meme.*